

中國方志叢書・第一三二號

據

民國黃占梅修程大璋纂
民國九年鉛印本
影印

廣西省

桂平縣志

(二)

成文出版社印行

5670/08



10095894

中國方志叢書·第一三一號

據
民國黃占梅修程大璋纂
國九年鉛印本
影印

廣西省

桂平縣志

(三)

5/10/08

成文出版社印行



10095893

中國方志叢書・第一三一號

據
民國黃占梅修程大璋纂
國九年鉛印本
影印

廣西省

桂平縣志

(四)

成文出版社印行

80/0495




10095892

中國方志叢書・第二三二號

據
民國黃占梅修程大璋纂
國九年鉛印本
影印

廣西省

桂平縣志



成文出版社印行

5470/08



中華民國五十七年十二月臺一版

桂平縣志

全五冊

定價：新台幣一六〇〇元正

發行人：黃成助

臺北郵政信箱二二六〇五號


出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一一四七號



桂平縣志卷十九

紀地

物產下

植物

古之名物鳥獸而外草木而已竹與穀草也茶木也花果
菜藥則草木皆具視西方之以有花無花標目彼晦而我
顯矣夫草木之分至淺而不能類族以辨孰謂西人智乎

草之屬

鬱金香 許氏說文云鬱芳草也十葉爲貫百二十貫築之
煮之鬱鬯乃百草之英合而釀酒以降神乃遠方鬱人所貢

故謂之鬱鬱金鬱林郡也漢鬱林郡今廣西貴州潯柳邕賓諸州之地一統志惟載柳州羅城縣出鬱金香即此也金光明經稱茶矩麼香乃鬱金香也與今時鬱金根名同物異

本草綱目

靈香草 莖葉如麻相對生七月開赤花刈下曝乾以酒洒

製芳馥勝丹陽所產此草在山不香出山愈遠則愈香產猺

山聚大黃江市上爲出口佳品

府志并補訪

吉利草 南方草木狀云吉利草其莖如釵股根類芍藥交

廣俚人多蓄蠱惟此物能解之

省志

葵草 葉可以爲笠亦可以爲扇身高如樹他志有歸木類

者其實草本也

菹醬 猺峒中家家用之名華菱史記唐蒙風曉南越蒙食
菹醬問所從來道西北牂牁故蜀都賦云菹醬流味於番禺
之鄉問之番禺人無有知者蓋出自牂牁故云流味也華菱
潯州人家多食之然無爲醬者

節府志

菱 蔓生葉如桑而厚不耐雪案蜀都賦注菹緣樹而生其
子如桑椹熟時正青長二三寸以密藏而食之通志菹曰浮
留西溪叢語作扶留新語作菱又叢語謂閩廣人食檳榔每
切作片蘸蠟灰以菱葉裹之益部方物略記菹出渝瀘茂威
等州卽唐蒙所得者葉厚而澤辛香能溫五臟或言卽南方

木之集二八二
所謂浮留藤取葉合檳榔食之論者謂皆一物今攷蒟葉大不及寸而結寔正如桑樵本高不過二三寸非蔓生莖葉大如掌無寔人家以土塗壁而種卽蔓延壁間然不過牆故婚禮以配檳榔取其類女子之貞也又檳榔易傷肺莖能解之二物相配而食蓋亦以此然莖之非蒟則明甚矣

龍舌 俗名油葱厚皮青色有脂婦人取以澤髮種土牆上卽生且可辟火嶺南雜記謂形似水仙葉厚一指而邊有刺長者尺餘

藍 說文染青草也周禮地官掌染草卽此通志藍三種蓼藍染綠大藍槐芥染碧如藍如槐染青三藍皆可作澱色成

勝母故曰青出藍而青於藍俗呼藍曰靛本草有二種蓋卽
蓼藍大藍木本一種蓋卽槐藍也大藍宜平原岡阜小藍宜
山桂平北河所在多產粵西以興業靛爲最良惟桂平紫荆
產可以相埒今盛行江淮亦民間一利源也

墨煙草 本草名鱧腸卽俗稱黑墨草也其莖柔斷之有黑
汁故名

紅藍草 歲以清明采取漬汁作飯祭墓色深紫可愛小兒
爭啖之桂平土人家多以釀酒味厚而香且性溫能養人故
女子已嫁將娠母家先期釀紅藍酒洗兒則餉之人以之比
女兒酒云

木之集二八十一
喝呼草 幹小而直高可四五寸上有枝橫列如繖狀葉布
兩旁叱之則葉應聲翕翕已則張如故故曰喝呼草俗名懼
內草一名羞草

無風獨搖草 見人自動故名本草拾遺獨搖草帶之令夫

相愛

以上俱
府志

鳳尾草 幹則木而葉類草對節形似鳳尾故名

菖蒲草 本草云蒲類之昌盛者故名舊志云長山石中種
之則茂不種不生端午節人家以蒲插門戶以禳邪氛

顛茄 又名頂茄頂顛聲義俱同形如茄色黃誤食使人癩
悶癩者顛倒于地故顛茄亦可名癩茄

大茶根 一名大茶葉深山僻徑中有似茶而葉大者食之

立死

舊志

中其毒者以路旁垂鞭草搗爛和糯米汁或薤菜汁

可解灌以生羊血尤驗

見廣東番禺縣志

凉粉草

莖葉秀麗香猶擅著以汁和米粉煮糕爲消暑品

金針

詩焉得護草釋文護作萱韻會萱草忘憂草也卽指

此物金針是桂平俗名其花名金菜本土種者爲土金菜本

草注花宜懷妊婦人佩之生男故名宜男草亦是此物

萬年青

葉色似冬葉而小插於瓶中浸之以水即生

冬葉

葉似萬年而大十倍民間裹糴以之

木之屬

松 境內諸山多產之大而合抱者可作棺木次者爲梁棟小者爲薪但松性招蟻故以供薪炭者爲多自輪艦旣通松價騰貴貧民日刊一二株挑入城市高者銀五六角少亦三毫以上近年鄉中小戶貧民生計經營比諸中產之家反似容易松亦爲之也但官吏無法保護種者多被火燒及乎長成又多遭盜砍種者心灰爲可惜耳

柏 山嶺少種人家庭院時有之而不及北方之盛

杉 爾雅桮𣎵注云似松生江南可以作柱埋之不腐疏云桮一名𣎵俗作杉釋文𣎵音杉是也桂平紫荊山多有之名荊杉其餘植松諸山亦有兼植者如羅秀中下都各里所出

不少

榕 此爲兩粵中最大之樹桂平所產亦多生常連理蟠根最潤土人多樹於社後以爲社樹或植於村旁以取陰翳兼御風水

小榕樹 高七八尺幹葉與大榕樹無異惟根短而大似番諸乃鳥啄榕樹子所出之糞所生

棟 一名火煉又名苦練爾雅翼云木高丈餘葉密如槐而尖三四月開花紅紫色寔如小鈴名金鈴子淮南子時則訓注云棟寔鳳凰所寔東皐雜錄云花信風梅花風最先棟花風最後凡二十四番以爲寒絕桂俗亦以棟樹枝葉漸長驗

寒氣漸消樹易長大而質堅實以製椅榻漆塗之美觀牢緻如格木

烏柏 唐本草作烏白陳藏器云葉可染皂子壓爲油塗頭令白髮變黑爲燈極明又名鴟舅葉經霜卽赤陸游詩烏柏新添落葉紅平陂原澤多有之中砒霜毒者任取其皮根枝葉搗汁用之毒立解又製白蠟燭者以之

槐 道旁及公所庭院多植之以取陰有黃白花二種花白者連瓣和米磨漿可作粉餌名槐花粉子名槐角可作藥

柳 易生長鄉村池塘時有之近日各學校植此尤夥

探花樹 卽廣東之木棉性高下雜植羣木中此樹必高出

其上花黃如金燦爛半空驕妬紅日花盛則年豐並解鴛粟毒

烏飯木 爾雅名楓樹似白楊葉圓而岐有脂而香鄉人用

其材製車輞樹葉經霜則紅清明摘葉搗汁漬糯米炊飯名

烏米飯即青精飯木既倒漬以糯米汁則生菌

即東

甚佳

樟 卽司馬相如子虛賦所言豫章廣韻作豫樟枝葉扶疏材可造船以作書櫥可治蠹魚亦可作車輞及榨油具以樹皮煎湯可治霍亂吐瀉症此樹生蠶大如指身有軟刺嫩則色青熟則色黃俗名樟木蠶將作繭必倒行下樹牧兒捉剖其腹取未吐之絲形如蚯蚓梁以酢引而伸之長徑丈可作

絃

牛尾木 身大而葉小葉邊有齒無苦煉木之堅而中心充實不空以造器具價廉而便

椿木 大者可爲梁葉嫩者可食謂之椿芽然生癰疥者忌之

棕樹 形似竹而心實其幹有衣裂之可絞成索織成衣箱名棕楨產婦血不止燒灰服之立效

婆羅樹 出西番海中潯州官圃舊有一株甚巨每枝生葉七片有花穗甚長而黃如栗花秋後結實如栗可食正七葉樹也按李邕進婆羅樹狀云此樹不庇凡草不止惡禽如得